

Ո Ր Ո Շ ՈՒ Մ թիվ 86
վարչական տույժ նշանակելու մասին

«18» ապրիլի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Իրանի Իսլամական Հանրապետության քաղաքացի Բեհնամ Բոհլուլի Միրզաեի (անձնագիրը՝ H55255991) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի փետրվարի 17-ին ՀՀ ՊԵԿ ՀՄՎ Մեղրիի բաժանմունքի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Բեհնամ Բոհլուլի Միրզաեի կողմից շահագործվող «SCANIA» մակնիշի, 19E330-10 պետհամարանիշի ավտոբուսը, ինչի արդյունքում, նշված տրանսպորտային միջոցի /ավտոբուսի/ ապակու և թափքի արանքում հայտնաբերել են մաքսային հսկողությունից մեքենայի խնամքի միջոցներ Lemser 288 հատ 250մլ, Power 48 հատ 300մլ, Power 18 հատ 650մլ, մեքենայի շարժիչի յուղ SPEEDY 10w40 6 հատ 4 լիտր:

Փաստի առթիվ վարորդ ԻԻՀ քաղաքացի Բեհնամ Բոհլուլի Միրզաեի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում թիվ 24 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը:

ՀՀ ՊԵԿ Հարավային մաքսատուն-վարչության թիվ 105 մտից համարի տեղեկանքի համաձայն՝ 2022թ փետրվարի 17-ի դրությամբ «բացթողում ներքին ապառման համար» մաքսային ընթացակարգով հայտարարագրելու դեպքում վերոնշյալ ապրանքների մաքսային արժեքը կկազմի 100400 ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ռոտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը՝ նպատակ ունենալով պարզել քաղաքացի Բեհնամ Բոհլուլի Միրզաեի վերջին հաշվառման վայրը:

ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Բեհնամ Բոհլուլի Միրզաեի վերաբերյալ բնակչության պետական ռեգիստրի պահոցում տեղեկություն չկա:

Քաղաքացի Բեհնամ Բոհլուլի Միրզաեի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Բեհնամ Բոհլուլի Միրզաեին 14.04.2022 թվականին ժամը 20:22-ին Ագարակ պետական սահմանի անցման կետով անցել է ԻԻՀ:

Քաղաքացի Բեհնամ Բոհլուլի Միրզաեին 2022 թվականի ապրիլի 18-ին հրավիրվել է ՀՀ ՊԵԿ Հարավային մաքսատուն-վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2022 թվականի փետրվարի 17-ին քաղաքացի Բեհնամ Բոհլուլի Միրզաեին, մաքսային հսկողությունից թաքցնելով, իր կողմից շահագործվող «SCANIA» մակնիշի, 19E330-10 պետհամարանիշի ավտոբուսի ապակու և թափքի արանքից, ՀՀ մաքսային սահմանով տեղափոխել է ընդհանուր՝ 100400 ՀՀ դրամ մաքսային արժեքով ապրանք, այսինքն՝ քաղաքացի Բեհնամ Բոհլուլի Միրզաեին թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների

խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՊԵԿ ՀՄՎ Մեղրիի մաքսային կետ-բաժնի աշխատակցի կողմից 17.02.2022 թվականին կազմված մաքսային զննման (մաքսային տեսազննման) ակտով, Հարավային մաքսատուն-վարչության թիվ 105 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի՝

1. Բեհնամ Բոհլուլի Միրզաեին (հասցե՝ ԻԻՀ, ք. Արդեբիլ) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 100400 ՀՀ դրամի չափով:

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել քաղաքացի Բեհնամ Բոհլուլի Միրզաեին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 100400 ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ